


Viliamu W. Phelps: “Ua Pei A’u Nei o le Atalii Faamaumau Oa”

“I le faaiuga o le 1838, o Viliamu W. Phelps, o lē sa avea ma se tagata faatuatuaina o le Ekalesia, sa i ai faatasi ma i latou o e na tuuina atu ni molimau pepelo e faasaga i le Perofeta ma isi taitai o le Ekalesia, lea na oo ai ina faafalepuipuiina i latou i Misuri. Ia luni 1840, sa tusi mai ai Uso Phelps ia losesfa Samita, ma aioi mai mo se faamagaloga” (*Aoaoga a Peresitene o le Ekalesia: Iosefa Samita* [2007], 396).

Faitau le faamatalaga leni mai ia Viliamu W. Phelps mai lana tusi i le Perofeta:



“Uso Iosefa[,]

“. . . Ua pei a’u nei o le Atalii faamaumau oa . . . : Ua matuai o’u [lagonaina] le faatauva ma le faamaualalo. . . .

“O loo o’u iloa lo’u tulaga, o loo e silafiaina, ma o loo silafia foi e le Atua, ma ou te manao ia faaolaina a’u pe afai o le a fesoasoani a’u uo ia te a’u. . . . Sa ou faia le mea sese ma ou te Faamalie atu ai. O loo i lo’u lava mata le utupoto.

“. . . I le suafa o Iesu Keriso ma le au paia uma, ou te talosaga atu ai mo se faamagaloga, ona . . . ou te manao i lau faaaumeaga” (i le *The Joseph Smith Papers, Documents, Volume 7: September 1839–January 1841*, ed. Matthew C. Godfrey ma isi [2018], 304-5).

- O le iloaina o le molimau pepelo a Viliamu na mafua ai le tele o mafatiaga mo le Au Paia, o le a sou manatu, o le a sau tali atu i le talosaga a Viliamu mo se faamagaloga ma le faaaumeaga?

Sa tali atu le Perofeta o Iosefa Samita i se tusi ia Viliamu W. Phelps:



“E moni ua matou mafatia tele ona o le taunuuga o au amioga—o le ipu oona ua tumu mo le tagata soifua e inumia, ua taumasuasua ina ua e faasagatau mai ia te i matou. . . .

“Ae ui i lea, ua uma ona inumia le ipu, ua faia le finagalo o lo tatou Tama, ma o loo matou ola pea. . . .

“I le talitonuina o lau faatoesega o se mea moni, ma le moni aiai o lou salamo, ou te fiafia ai e toe tuuina atu le limataumatau o le faauo, ma olioli i le toe foi mai o le atalii faamaumau oa.

“Sa faitau atu lau tusi i le Au Paia i le Aso Sa ua mavae, ma . . . sa autasi ai le faaiuga, e tatau ona taliaina W. W. Phelps i totonu o le faaaumeaga.

“‘Sau ia le uso pele, aua o lea ua uma le taua,

O uo sa i ai muamua, ua toe avea ma uo i le faaiuga’ ”

(*Aoaoga a Peresitene o le Ekalesia: Iosefa Samita* [2007], 398).

- O le a se mea ua faaalii i le tali a Iosefa Samita e uiga i lona tagata?
- O le a sou manatu, mata o le a se lagona o Viliamu i le iloaina na autasi le Au Paia i le toe taliaina o ia i le faaaumeaga atoatoa?

